

Мал үвлзүүлгәнә төриг сәәнәр гардхмн

Черноземельск района партийн хург

Шидр Черноземельск райо-на тооцана болн сунъгъврн партийн хург болв. КПСС-н райкомин тооцана доклад райкомин сегләтр үр И. Иванов кев.

Хургт үг келцхәсн коммунистнр цуг оньган, үвлзлгънд ирсн малмуд гару угагъар үвлзүлхд өгцхәв. Хургт үг келсн, Черноземельск МЖС-н эклц парторганизацин сегләтр үр С. Босхомджиев, шидр болсн түрүн киитн болн шуургън зәрм колхозмуд мал үвлзүүлгънд муугъар белдсиг медүлв, үлгүрлхд, Левокумск района „Путь к коммунизму“ колхоз мал манлгъиг муугъар тетксн учрар, хөбдтнъ чон орад, 11 хө алад, 128 хө шавтав. Иим йовдл Александровск района „Путь к коммунизму“ колхозд бас болв. Эн джил чон 70 хө

алад, 30-шаху хө шавтав, — гидж заав.

Ўурмүд Погорелов Немзер хойр района промкомбинат (директорнъ үр Воробьев) муугъар хад чолу белджәхиг, хәтәрәр хулсн плит кедж гаргъджахиг заадж шалгъцхав.

Гардгч кәдлмшт хальмг улс хәтәрәр орулгдлж бәәхиг, партин зергләнә өслт, нег үлү хальмг улсас, сул болджахиг (нег чигн хальмг кү партъд орулдж авсми уга) коммунистнр заадж келцхәв.

Коммунист У. Чимидов: би багъ күмб. Мини кәдлмшtm райком дөнъ болхш, райкомин сегләтр үр Иванов коммунистнрт кәдлмш даалгъхш, цуг кәдлмшиг бийнъ ганцарн кехәр седнә, бәәрн Советмүдин

кәдлмшт оньган өгхш, — Гидж шалгъв.

Хургт ут-турштан 23 күн үг келв. Хургин сууләр КПСС-н Хальмг танъгъчин комитетин негдгч сегләтр үр Н. И. Жезлов үг келв. Ирсн мал үвлзүүлгънд оньган өгч, гару угагъар мал үвлзүлтн гидж тер цуг коммунистнриг дуудв.

Хург тооцана докладар ши-идвр авб, райкомин чледүд, ревкомисс болн танъгъчин негдгч партконференцд делегатнр сунъгъв.

КПСС-н райкомин пленум болв. КПСС-н райкомин негдгч сегләтрт үр Букреев, хойрдгч сегләтрт үр Есинов, сегләтрт үр Дорошенко сунъгъгдв.

К. ЖУРАВСКИЙ,

КПСС-н член, конференцин делегат.